



PREZIDÊNCIA
**KONSELLU
MINISTRUS**
VIII GOVERNUN KONSTITUSIONÁL



Gabinete
Porta-Voz

Komunikadu Imprensa

Kondolénsia ba Falesimentu eis-Ministru Defeza VI Governu Konstitusionál, Cirilio Cristóvão

Primeiru-Ministru Taur Matan Ruak lamenta no sente triste ho notísia kona-ba falešimentu eis-Ministru Defeza, Cirilo Cristóvão, ne'ebé fila hikas ona ba Aman Maromak nia Kadunan Santo iha loron 20, fulan Outubru tinan 2019 iha Ospital Bros Bali, iha 19:45 óras Indonezia.

“Ha'u lamenta no sente triste wainhira rona katak eis-Ministru Defeza husik ona mundu ida ne'e. Cirilo Cristóvão nu'udar ema ida ne'ebé ha'u koñese di'ak, ema ida ne'ebé dedika-an tomak ba dezvoltamentu iha setor seguransa no defeza nian. Wainhira ha'u sei Prezidente Repúblika, ami nain rua sempre hasoru malu beibeik iha Palásiu Prezidente hodi troka hanoin no ideias kona-ba servisu iha setor seguransa no defeza ita-nia nasaun nian”.

Aproveita tempu susar ne'e, hodi VIII Governu Konstitusionál nia naran no ha'u nia naran rasik hamutuk ho ha'u nia família, hakarak hato'o sentidus pézames no kondolénsias ba família enlutada i ita hotu harohan ba Na'i Maromak atu fó fatin rohan la'ek ba nia iha Reinu Lalehan,” Primeiru-Ministru, Taur Matan Ruak.

Cirilo Cristóvão sai Ministru Defeza iha VI Governu Konstitusionál no simu pose hosi eis Prezidente Repúblika, atúal Primeiru-Ministru Taur Matan Ruak, iha loron 16 fulan Feveiru tinan 2015. Antes ne'e assume kargu nu'udar Xefe Komisaun Verdade no Amizade Timor-Leste - Indonezia no Diretór Jeral Servisu Nasionál Intelejensia (SNI). **Remata**



Palácio do Governo,
Avenida Presidente Nicolau Lobato,
Dili, Timor-Leste